

daer hie anden cruce hench ende sprac
 toe in Wiff sie hijr dijn kint ende
 totten anderen Sie hijr dijn moeder
 Hijr ome in dusdanigher mynnen
 daer ghi mede toe gader gheuoeghet
 synt vanden monde godes als moe-
 der ende kint. In twee beuele ick ar-
 me sundersche mijn lijff ende mijn
 siele in allen tijden ende in alle vre
 dact ghi my holden in die gratie gods

En schoen ghebeth ende deuote be-
 uelinge toe onser lieuer vrouwen.

O alle sekerste troest der ghee-
 re die in dy hopende synt
 ende ghelouen hillighe ma-
 ghet maria onse vrouwe en patroe-
 sche inder vren als mijn oghen be-
 swaert soelen worden myt die donc-
 kerheit des dodes dat sie niet en soe-
 len moeghen sien dat licht deser w-
 werlt. ende als ick mijn tonghe niet
 meer sal moeghen voeren in mede